

唐黃御史公集

二







唐黃先生文集卷之三

唐監察御史閩黃滔著

七言律詩

送林寬下第東歸

爲君惆悵惜離京年少無人有屈名積雪未開
移發日鳴蟬初急說來程楚天去路過飛鴈灔
岸歸塵觸鎧城又得新詩幾章別煙村竹逕海

濤聲

商山贈隱者

誰不相逢話息機九重城裏自依依蓬萊水淺
有人說商洛山高無客歸數隻珍禽寒月在千
株古木熟時稀西窓昨夜鳴蛩盡知夢芝翁起
扣扉

送二友遊湘中

千里楚江新雨晴同征肯恨迹如萍孤舟泊處
聯詩句八月中旬宿洞庭爲客早悲煙草綠移
家晚失嶽峯青今來無計相從去歸日汀洲乞
畫屏

塞下

疋馬蕭蕭去不前平蕪千里見窮邊關山色死
秋深日鼓角聲沉霜重天荒骨或啞殘鐵露驚
風時掠暮沙旋隴頭冤氣無歸處化作陰雲飛
杳然

下第東歸留辭刑部鄭郎中誠

去違知已住違親欲發羸蹄進退頻萬里家山
歸養志數年門館受恩身鶯聲歷歷秦城曉柳
色依依灞水春明日藍田關外路連天風雨一

黃先生集

卷之三

行人

寄懷南北故人

秋風昨夜落芙蓉
一片離心到外區
南海浪高書墮水
北州城破客降胡
玉窓挑鳳佳人老
綺陌啼鶯碧樹枯
嶺上青嵐隴頭月
時通魂夢出來無

關中言懷

事事朝朝委一蹲
自知無復解趨奔
試期交後猶爲客
公道開時敢說冤
窮巷住來經積雨
故

山歸去見荒村舉頭盡到斷腸處何必秋風江
上猿

閨怨

寸心杳與馬蹄隨
如蛻形容在錦帷
江上月明船發後
花間日暮信迴時
五陵夜作酬恩計
四塞秋爲破虜期
待到乘輶入門處
淚珠流盡玉顏衰

旅懷

未喫金丹看十洲
乃將身世作仇讐
言羈遊數地

黃先生集卷之三
值兵亂宿在孤城聞雨秋東越雲山卻思隱西
秦霜霰苦頻留它人折盡月中桂惆悵當年江
上鷗

別友人

已喜相逢又怨嗟十年飄泊在京華大朝多事
還停舉故國經荒未有家鳥帶夕陽投遠樹人
衝臘雪往邊沙夢魂空繫瀟湘岸煙水茫茫蘆
葦花

寄羅浮山道者二首

天際雙山壁海漬天漫絕頂海漫根時聞雷雨
驚樵客長有龍蛇護洞門泉石暮含朱槿晝煙
霞冬閑木綿溫林間學道如容我今便辭它籠
辱喧

有人曾見洞中仙纔見人間便越年金鼎藥成
龍入海玉函書發鶴歸天樓開石脉千尋直山
折鼈鱗一半膾誰到月明朝禮處翠巖深鏤荔
枝煙

喜侯舍人蜀中新命三首

八都詞客漫喧然誰解飛揚誥誓間五色絲毫
裁鳳詔九重天子豁龍顏巴山月在趨朝去錦
水煙生入閣還謀及中興多少事莫愁明月不
收關

却搜文學起吾唐暫失都城亦未妨錦里幸爲
丹鳳闕幕賓徵出紫微郎來時走馬隨中使到
日援毫定外方若以掌言看諫獵相如從此病
輝光

賈誼纔承宣室召左思唯預秘書流賦家達者

無過此翰苑今朝是獨遊立被御鑪煙氣逼吟
經棧閣雨聲秋內人未識江淹筆竟問當時不
早求

經安州感故鄭郎中二首

雲夢江頭見故城人間四十載垂名馬蹄踐處
東風急雞舌銷時北闕驚獄客出來尋古劍野
猿相聚叫孤塋騰身飛上鳳凰閣惆悵終垂吾
黨情

錦帳先生作牧州干戈缺後見荒丘兼無姓賈

兒童在空有還珠煙水流江句行人吟刻石月
腸是處象登樓旅魂頻此歸來否千載雲山屬

一遊

出京別崔學士

一從門館遍投文旋忝恩知驟出羣不道鶴雞
殊羽翼許依龍虎借風雲命奇未便乘東律言
重終期雪北軍欲逐飄蓬向歧路數宵垂淚戀
清芬

鴈

楚岸花晴塞柳衰年年南北去來期江城日暮
見飛處旅館月明聞過時萬里風霜休更恨滿
川煙草且須凝洞庭雲水瀟湘雨好把寒更一

一知

寄越從事林嵩侍御

子虛詞賦動君王誰不期君入對駁莫戀兔園
留看雪已乘驄馬合凌霜路歸天上升方別道
在人間久更香應念都城舊吟客十年蹤跡委
滄浪

清江先生集

卷之二

長安書事

卷之三

一年年課數千言口祝心祠望出門孤進難時
誰肯薦主司通處不須論頻秋入自邊城雪昨
日聽來嶺樹猿若有水田過十畝早應歸去狄
江村

旅懷寄友人

重疊愁腸只自知苦於吞蘖亂於絲一船風雨
分襟處千里煙波迴首時故國田園經戰後窮
荒日月逼秋期鳴蟬似會悠揚意陌上聲聲怨

柳衰

放牋日

從此成名後作

吾唐取士寂堪誇仙榜標名出曙霞白馬嘶風
三十轡朱門秉燭一千家郤說聯臂昇天路宣
聖飛章奏日華其年當日奏試歲歲人人來不得曲江

煙水杏園花

御試二首

已表隋珠各自携更從瓊殿立丹梯九華燈作
三條燭萬乘君懸四首題靈鳳敢期飈雪羽洞

卷之三
簫應或諷金闈明朝莫惜場場醉青桂新香有
紫泥

六曹三省列簪裾丹詔宣來試士初不是玉皇
疑羽客要教金牋帶天書詞臣假寐題黃絹宮
女敲銅奏子虛御目四篇酬九百敢從燈下略
躊躇

二月二日宴中貽同年封先輩渭
帝堯城裏日銜盃每倚嵇康到玉頰桂苑五更
聽榜後蓬山二月看花開垂名入甲成龍去列

姓如丁作鶴來同戴大恩何處報永言交道契
陳雷

新野道中

野堂如雪草如茵光武城邊一水濱越客歸遙
春有雨杜鵑啼苦夜無人東堂歲去銜盃嬾南
浦期來落淚頻莫道還家不惆悵蘇秦羈旅長
卿貧

酬俞釣

鄉書一忝薦延恩二紀三朝泣省門雖忝立名
績先生集卷之三

經聖鑒敢期興詠疊嘉言莫論蟾月無梯接大
底龍津有浪翻今日朝廷推草澤佞性承詔出

雲根

寄同年崔學士仁寶

半因同醉杏花園塵忝鴻鑪與鑄顏已脫素衣
酬素髮敢持青桂愛青山雖知珠樹懸天上終
賴銀河接世間畢使海涯能拔宅三秦二十四
畿寰

寄陳侍御

千年二相未全誇故劉相趙相曾從事閩中猶闕閩城賀降
麻何必錦衣須太守別無蓮幕勝王家醴泉湧
處休論水黃菊開時獨是花九級燕金滿樽酒
卻愁隨詔謁承華

酬徐正字寅

已免蹉跎負歲華敢辭霜鬢雪呈花名從兩榜
考昇第官自三台追起家疋馬有期歸輦轂故
山無計戀桑麻莫言蓬閣從容久披處終知金
在沙

辭府相

時蒙堂帖追赴闕

從漢至唐分五州誰爲將相作諸侯閩江似鏡
正堪戀秦客如蓬難久留死馬忍辭藩屏去小
才寧副廟堂求今朝拜別幡幢下雙淚如珠滴
不休

寄羅郎中隱

休向中興雪至冤錢塘江上看濤飈三徵不起
時賢議九轉終成道者言綠酒千盃腸已爛新
詩數首骨猶存瑤蟾若使知人事仙桂應遭蠹

卻根

江行遇王侍御

數年分散秦吳隔暫泊官船浦柳中新草軍書
名更重久辭山逕業應空渡頭潮落將行客天
際風高未宿鴻此日相逢魂合斷賴君身事漸
飛沖

客舍秋晚夜懷故山

寥寥深巷客中居況值窮秋百事疎孤枕憶山
千里外破窓聞雨五更初經年荒草侵幽逕幾

樹西風鏤弊廬長繫寸心歸未得起挑殘燭獨
躊躇

絳州鄭尚書

旌旗日日展東風雲稼連山雪刃空剖竹已知
垂鳳食摘珠何必到龍宮諫垣虛位期飛步翰
苑含毫待紀公誰謂唐城諸父老今時得見蜀
文翁

喜陳先輩及第

蟠閣

今年春已到京華天與吾曹雪怨嗟甲乙中時

公道復朝廷看處主司誇飛離海浪從燒尾嘸
卻金丹定易牙不是駕前偏落羽錦城爭得杏
園花

延福里居和林寬何紹餘醻寄

長說愁吟逆旅中一庭深雪一窓風眼前道路
無心覓象外煙霞有句通幾度相留侵鼓散頻
聞會宿着僧同高情未以干時廢屬和因知興
不窮

贈宿松楊明府

溪上家家禮樂新始知爲政異常倫若非是水
清無底爭得如冰凜拂人月沉聲和琴調咽煙
村景接柳條春宦遊兼得逍遙趣休憶三吳舊
釣津

送僧

纔年七歲便從師猶說辭家學佛遲新斲松蘿
還不住愛尋雲水擬何之孤溪雪滿維舟夜疊
嶂猿啼過寺時鳥道龍湫悉行後豈將翻譯負
心期

贈鄭明府

庭羅衙吏眼看山真恐風流是謫仙垂柳五株
春姪姹鳴琴一弄水潺湲援毫斷獄登殊考駢
樂題詩得出聯莫起陶潛折腰歎才高位下始
稱賢

江州夜宴獻陳員外

多少歡娛簇眼前潯陽江上夜開筵數枝紅蠟
啼香淚兩面青娥折瑞蓮清管徹時斟玉醑碧
籌回處擲金船因知往歲樓中月占得風流是

偶然

湘中贈張逸人

羽衣零落帽欹斜不自孤峯卽海沙曾爲蜀山
成寓跡又因湘水擬營家鳴琴坐見燕鴻沒曳
履吟忘野逕賒更愛扁舟宿寒夜獨聽風雨過
蘆花

寓題

紛紛墨勑除官日處處紅旗打賊時竿底得璜
猶未用夢中吞鳥擬何爲損生莫若攀丹桂免

俗無過詠紫芝兩岸蘆花一江水依前且把釣
魚絲

題陳山人居

猶自莓苔馬跡重石嵌泉冷嬾移峯空垂鳳食
簷前竹漫拔龍形澗底松隔岸青山秋見寺半
牀明月夜聞鐘誰能惆悵磻溪事今古悠悠不
再逢

宿李少府園林

一壺濁酒百家詩住此園林守選期深院月涼

留夜客古杉風細似泉時嘗頻異茗塵心淨議
罷名山竹影移明日綠苔渾掃後石庭吟坐復
容誰

送人明經及第東歸

十問久通離義狀今時登第信非常亦從南院
看新榜旋束春關歸故鄉水到吳門方見海樹
侵閩嶺漸無霜知君已塞平生願日與交親醉
幾場

斷酒

未老先爲百病仍醉盃無計接賓朋免遭拽盞
郎君諱還被簪花錄事憎絲管合時思索馬池
塘晴後獨留僧何因澆得離腸爛南浦東門恨
不勝

寄蔣先輩

在蘇州

夫差宮苑悉蒼苔携客朝遊夜未回塚上題詩
蘇小兒許殿切江頭酌酒伍員來秋風急處煙花
落明月中時水寺開千載三吳有高跡虎丘山

翠益崔嵬

旅懷

雪貌潛凋雪髮生故園魂斷弟兼兄十年除夜
在孤館萬里一身求大名空有新詩高華嶽已
無丹鵞出秦城侯門莫問曾遊處槐柳影中肝
膽傾

南海幕和段先輩逸韋侍御赴闕

樹色川光入暮秋使車西發不勝愁璧連標格
驚分散雪課篇章互唱醻魏闕別當飛羽翼燕
臺獨且占風流滿園歌管涼宵月此後相思幾

上樓

寄南海黃尚書

五羊城下駐行車此事如今八載餘燕領已知
飛食肉龍門猶自退爲魚紅樓入夜笙歌合白
社驚秋草木疎西望清光寄消息萬重煙水一

封書

送人往蘇州覲其兄

閨間城外越江頭兩地煙濤一葉舟到日荆枝
應便茂別時珠淚不須流迎歡酒醒山當枕詠

古詩成月在樓明日樽前若相問爲言今訪赤
松遊

遊東林寺

長生猶自重無生言讓仙祠佛寺成碑折誰忘
康樂制山靈表得遠公名松形入漢藤蘿短僧
語離經耳目清莫恠遲遲不歸去童年已夢遶
林行

贈旌德呂明府

渥洼步數太阿姿爭遣王侯不奉知花作城池

入官處錦隨刀尺少年時兩衙斷獄兼留客三
考論功合樹碑須信隔簾看刺史錦章朱紱已
歲蕤

賀清源僕射新命

雖言嵩嶽秀崔嵬少降連枝命世才南史兩榮
唯百揆東閩雙拜有三台南京袁憲兄弟同爲
若今清源與府城並拜
僕射兼帶台席之尊二天在頃家家詠丹鳳
銜書歲歲來虛說古賢龍虎盛誰攀荆樹上金
臺

浙幕李端公泛建溪

越城吳國結良姻交發芙蓉幕內賓自顧幽沉
槐省跡得陪清顯諫垣臣分題曉並蘭舟遠對
坐宵聽月沉頻更愛延平津上過一雙神劍是
龍鱗

貽宋評事

河陽城裏謝城中入曳長裾出佩銅燕國金臺
無別客陶家柳下有清風數蹤篆隸書新得一
竈屯蒙火細紅時說三吳欲歸處綠波洲渚紫

蒲葵

催粧

北府迎塵南郡來莫將芳意更遲回雖言天上
光陰別且被人間更漏催煙樹迥垂連帶杏綵
童交捧合歡杯吹簫不是神仙曲爭引秦娥下
鳳臺

寓題

每憶家山卽涕零定須歸老舊雲局銀河水到
人間濁丹桂枝垂月裏馨霜雪不飛無翠竹鯨

鯢猶在有青萍三千九萬平生事却恨南華說
北溟

傷蔣校書德山

誰到雙溪溪岸傍與招䰟龜上蒼蒼世間無樹
勝青桂隴上有花唯白楊秦苑火燃新賦在越
城山秀故居荒如何萬古雕龍手獨是相如識
漢皇

寄楊贊圖學士

學士與元昆俱以龍腦登選

東堂第一領春風時恠關西小驥慵華表柱頭

還有鶴華歆名下別無龍君恩鳳閣含毫數詩
景珠宮列肆供今日江南駐舟處莫言歸計爲
雲峯

酬楊學士

神仙簿上愧非夫詔作疑舟兩入爐詩裏幾曾
吟芍藥花中方得見菖蒲陽春唱後應無曲明
月圓來別是珠莫下蓬山不廻首東風猶待重
搏扶

寄同年李侍郎龜正

石門南面淚浪浪自此東西失帝鄉崑璞要疑
方卓絕大鵬須息始開張已歸天上趨雙闕忽
喜人間捧八行莫道秋霜不滋物菊花還借後

時黃

鐘陵故人

滕王閣下昔相逢此地今難訪所從唯愛金籠
貯鸚鵡誰論鐵柱鏽蛟龍荆榛翠是錢神染河
獄期須國土鍾一筋鱸魚千古美後人終少繼
前蹤

故山

支願默省舊林泉石徑茅堂到日前衰碧鳴蛩
莎有露濃陰歇鹿竹無煙水從井底通滄海山
在牕中倚遠天何事蒼髯不歸去燕昭臺上一
年年

塞上

塞門關外日光微角怨單于鴈駐飛衝水路從
冰解斷踰城人到月明歸燕山臘雪銷金甲秦
苑秋風脆錦衣欲吊昭君倍惆悵漢家甥舅竟

東坡全集

卷之三

十一

相違

烏石村

卽林希劉故居

往日江村今物華一廻登覽一悲嗟故人歿後
城頭月新鳥啼來壠上花賣劒錢銷知絕俗聞
蟬詩苦卽思家謝公古郡青山在三尺孤墳撲
海沙

寄同年盧員外

聽盡鶯聲出雍州秦吳煙月十經秋龍門在地
從人上郎省連天須鶴遊休戀一臺惟妙絕已

經三字入精求當年甲乙皆華顯應念槐宮今
雪頭

寄同年封舍人渭

時得來書

唐城接軫赴秦川憂合懼離驟十年龍領摘珠
同泳海鳳銜輝翰別昇天八行真跡雖收拾四
戶高局奈隔懸能使丘門終始雪莫教華髮獨
潛然

遇羅員外袞

灞陵橋外駐征轅此一分飛十六年豸角戴時

垂素髮鷄香含處隔青天綺園難貯林棲意班
馬須持筆削權可忘自初相識地秋風明月客
鄜延

送翁員外承贊

誰言吾黨命多奇榮美如君歷數稀衣錦還鄉
翻是客廻車謁帝郤爲歸鳳旋北闕虛丹穴星
復南宮逼紫微已分十旬無急詔天涯相送只
沾衣

翁文堯員外捧金紫還鄉之命雅發篇章

將原交情遠爲嘉睨泊燕鴻陸犬楚水荆
山又吐瓊瑤逮之幽鄙雖湧泉思觸逸興
皆虛而強韻抑難非才頗愧輒茲酬和以
質獎私

搏將盛事更無餘還向橋邊看舊書東越獨推
生竹箭北溟喜足貯鯢魚兩廻誰解歸華表午
夜兼能薦子虛前年蒙文堯員外以長牋薦於時相須把頭冠
彈盡日憐君不與故人疎

奉和翁文堯員外經過七林書堂見寄之

詩
卷之三
什

朱旗引入昔茆堂半日從容盡日忙駟馬寶車
行賜禮金章紫綬帶天香山從南國添煙翠龍
起東溟認夜光定恐故園留不住竹風松韻漫
淒鏘

奉酬翁文堯員外駐南臺見寄之什

人指南臺山與川大驚喜氣異當年花迎金冊
非時拆月對瓊盃此夜圓我愛藏冰從夏結君
憐修竹到冬鮮殷勤更抱鳴琴撫爲憶秦兒識

斷絃

翁文堯員外擁冊禮之歸一路有詩名畫

錦集先將寄示因書五十六字

六窠只佩諸侯印爭比從天擁冊歸一軸郢人
歌處雪兩重朱氏着來衣閩山秀已鍾君盡洛
水波應濺我稀明日陪塵迎駟馬定淮齋沫看

光輝

奉和翁文堯十九員外中謝日蒙恩賜金

紫之汁

百蒙君賜自龍墀誰是還鄉一襲衣三品易懸鱗鬚赫八絲展起綵章飛夐爲勝事垂千古題作新詩啟七微嚴助買臣精魄在定應羞着昔年歸

奉和翁文堯員外文秀光賢畫錦三首
鄉名里號一朝新乃覺台恩重萬鈞建水閩山無故事長卿嚴助是前身清泉引入有添潤嘉樹移來別帶春莫凭欄干剝留駐內庭虛位待才臣

雖言閩越繫生賢誰是還家寵自天山簡媿兼諸郡命鄭玄慙秉六經權鳥行去沒孤煙樹漁唱還從碧島川休說遲迴未能去夜來新夢禁中泉

君王面賜紫還鄉金紫中推是甲裳華構便將垂美號故山重更發清光水澄此日蘭宮鏡樹憶當年栢署霜珍重朱欄兼翠拱來來皆自讀書堂

奉酬翁文堯員外神泉之遊見寄嘉什

含雞假豸喜同遊野外嘶風並紫騮松竹迥尋
青嶂寺姓名題向白雲樓泉源出石清消暑僧
語離經妙破愁爭奈愛山尤戀闕古來能有幾
人休

寄翁文堯拾遺

唐設高科表用文吾曹誰作諫垣臣甌山秀氣
曠千古鳳闕華恩鍾二人起草便論天上事如
君不是世間身龍頭鳳尾前年夢今日須憐應
若神治卯年冬在宛陵夢文堯作狀頭及第又
申四月十二夜在清源夢到殿前東道自

西厲聲唱翁某
拜右省拾遺

唐黃先生文集卷之三

唐黃先生文集卷之四

唐監察御史閩黃滔著

五言排律

省試一一吹竽

乾符二年

齊竽今歷試真僞不難知欲使聲聲別須令箇
箇吹後先無錯雜能否立參差次第教單進宮
商乃異宜凡音皆竄跡至藝始呈奇以此論文
學終憑一一窺

明月照高樓

月滿長空朗樓侵碧落橫波文流藻井桂魄拂
雕楹深鑒羅紈薄寒搜戶牖清冰鋪梁燕噤霜
覆瓦松傾卓午收全影斜懸轉半明佳人當此
夕多少別離情

廣州試越臺懷古

南越千年事興懷一旦來歌鍾非舊俗煙月有
層臺北望人何在東流水不回吹窓風雜瘴沾
檻雨經梅壯氣曾難揖空名信可哀不堪登覽
處花落與花開

襄州試白雲歸帝鄉

杳杳復霏霏應緣有所依不言天路遠終望帝
鄉歸高嶽和霜過遙關帶月飛漸憐雙闕近寧
恨衆山違陣觸銀河亂光連粉署微旅人隨計
日自笑比麻衣

省試奉詔漲曲江池

以春字爲韻乾符二年

池脉寒來淺恩波住後新引將諸派水別貯大
都春幽咽疏通處清冷迸入辰漸平連杏岸旋
闊映梅津沙沒迷行徑洲寬恣躍鱗願當舟櫂

便一附濟川人

題宣一僧正院

五級凌虛塔三生落髮師都僧湏有託孤嶠遂
無期井邑焚香待君疾減俸資山衣隨疊破菜
骨逐年羸茶取寒泉試松於遠澗移吾曹來頂
手不合不題詩

和王舍人崔補闕題福州天王寺

郭內青山寺難論此嵒奇白雲生院落流水下
城池石像雷霆啓江沙鼎鼐期嶽僧來坐夏秦

客會題詩岡轉泉根滑門昇蘚級危紫微今日
句黃絹昔年碑歇鶴松伍閣鳴蛩徑出籬粉垣
千堵束金塔九層支啼鳥笙簧韻開花錦繡姿
清齋奔井邑玄髮剃熊羆極浦征帆小平蕪落
日遲風篁清却暑烟草綠無時信士三公作靈
蹤四絕推良遊如不宿明月擬何之

寄獻梓橦山侯侍郎

時常拾遺諫諍

漢宮行廟略簪笏落民間直道三湘水高情四
皓山賜衣僧脫去奏表主批還地得松蘿塢泉

通雨雪灣東門添故事南省缺新班

有新命片不起

石秋從露幽牕夜不關夢餘蟾隱映吟次鳥綿

蠻可惜相如作當時事悉閒

壬癸歲書情

故園招隱客應便笑無成謁帝逢移國投文值
用兵孤松憐鶴在疎柳惡蟬鳴匹馬迷歸處青
雲失曩情江頭寒夜宿壠上歎年耕冠蓋新人
物漁樵舊弟兄易生唯白髮難立是浮名惆悵
灞橋路秋風誰入行

河南府試秋夕聞新鴈

湘南飛去日薊北乍驚秋叫出隴雲夜聞爲客
子愁一聲初觸夢半白已侵頭旅館移欹枕江
城起倚樓餘燈依古壁片月下滄洲寂聽良宵
徹躊躇感歲流

和吳學士對春雪獻韋令公次韻

春雪下盈空翻疑臘未窮連天寧認月墮地屢
兼風忽誤邊沙上應平火嶺中林間妨走獸雲
際落飛鴻梁苑還吟客齊都省創宮掩扉皆墐

北移律愧居東書幌飄全濕茶鎗入旋融奔川
半畱滯疊樹互玲瓏出戶行瑤砌開園見粉蕤

高才興詠處真宰答殊功

省試內出白鹿宣示百官

乾寧二年

上瑞何曾乏毛羣表色難推於五靈少宣示百
寮觀形奪場駒潔光交月兔寒已馴瑤草別孤
立雪花團戴豸慙端士抽毫躍史官貴臣歌詠
日皆作白麟看

出關言懷

又乞書題出關西謁列侯寄家僧許嶽釣浦雨
移洲賣馬登長陸沾衣逐勝遊菜腸終日餒霜
鬢度年秋詩苦無人愛言公是世仇却憐庭際
草中有號忘憂

塞上

掘地破重城燒山搜伏兵金徽互鳴咽玉笛自
淒清使發西都聳塵空北嶽橫長河涉有路曠
野宿無程沙雨黃鶯轉轅門青草生馬歸秦苑
牧人在虜雲耕落日牛羊聚秋風鼓角鳴如何

漢天子青塚杳含情

壺公山

古老相傳古仙姓陳名壺公於此山成道因而名焉

八面峯巒秀孤高可偶然數人遊頂上滄海見東邊不信無靈洞相傳有古仙橘如珠夏在池象月垂穿山頭有池而圓兼橘樹朱實夏在髮鬚嘗聞樂石堯半插天山寒徹三伏松偃出千年樵牧時迷所倉箱歲疊川嚴祠風雨管怪木薜蘿纏青草方中藥蒼苔石裏錢瓊津流乳竇春色駐芝田烏兔中時近龍蛇蟄處臘嘉名光列土秀氣產羣

賢瀑鑠瑤臺路溪昇釣浦船鼈頭擎恐沒地軸壓應旋蠲疾寒甘露藏珍起瑞烟盡工飛夢寐詩客寄林泉掘地多雲母緣霜欠木綿井通鮆吐脈僧隔虎棲禪山間有井通海盈縮之候貞僧號弘播於其絕頂獨禪昏行至降虎而法通曾下山遇兩虎爭一牛乃叱而隔之分令各啖之危磴千尋拔奇花四季鮮鶴歸玄圃少鳳下碧梧偏桃易炎涼熟茶推醉醒煎村家蒙棗栗俗骨爽猿蟬谷語昇喬鳥波開共蒂蓮落楓丹葉舞新蕨紫芽拳翠竹雕羌笛懸藤煮蜀牋白

雲長掩映流水別潺湲作賦前儒闕冲虛南國

先省郎求牧看野老葺齋眠

潘郎中存寔詩二云
雙旌牧清源吟看

壺公翠又歐陽秬先輩自刺史蘇君書求泉山
之爲畫屏云壺公之高洛陽之深夢魂所思

寺歷興衰創碑湏一二鐫清吟思却隱簪紱奈

繁牽

七言排律

投翰長趙侍郎

禹門西面逐飄蓬忽喜仙都得入蹤賈氏許頻
趨季虎荀家因敢謁頭龍手扶日月重輪起數

是乾坤正氣鍾五色筆驅神出沒八花博接帝
從容詩酬御製風騷古論自人情鼎鼐濃豈有
地能先鳳掖別無山更勝鼇峯攀鴻日淺魂飛
越爲鯉年深勢喰嚙嚙澤國雨荒三逕草秦關雪
折一枝筇吹成暖景猶葭律引上纖蘿在獄松
願向明朝薦幽滯免教號泣觸登庸

酈時李相公

秦城擇日發征轅齊戒來投節制尊分虎名高
初命相攀龍迹下愧登門夜聽謳詠銷塵夢曉

拜旌幢戰旅魂華舍天開寧有礙綵毫雖乏敢
無言生兼文武爲人傑出應乾坤靜帝闔計吐
六奇誰敢敵學窮三略不須論功高馬卸黃金
甲臺迴賓櫂白玉樽九穗嘉禾垂綺陌四時甘
雨帶雕軒推恩每覺東溟淺吹律能令北陸暄
青草連沙無血濺黃榆鏘塞有鶯翻笙歌合沓
春風郭雞犬連延碧岫村遊子不緣貪獻賦永
依棠樹託蓬根

成名後呈同年

業詩攻賦薦鄉書二紀如鴻歷九衢待得至公
搜草澤如從平陸到蓬壺雖慙錦鯉成穿額忝
獲驪龍不寐珠蒙楚數疑休下泣師劉大喝已
爲盧人間灰管供紅杏天上煙花應白榆一字
連鑣巡甲族千般唱罰賞皇都名推顏柳題金
塔飲自燕秦索玉姝退媿單寒終預此敢將恩
獄怠斯須

投刑部裴郎中

兩榜驅牽別海澨它門不合覓知音瞻恩雖隔

雲雷賜向主終知犬馬心禮闈後人窺作鏡廟
堂前席待爲霖已齊日月懸千古肯誤風塵使
陸沉拜首敢將誠吐血蛻形唯待諾如金愁聞
南院看期到恐被東牆舊恨侵緇化衣空難抵
雪黑銷頭盡不勝簪數行淚裏依投志直此滄
溟未是深

五言絕句

輦下寓題

對酒何曾醉尋僧未覺閒無人不惆悵終日見

南山

寄題崔校書郊舍

一片寒塘水尋常立鷺鷺主人貧愛客沽酒往
吟詩

秋思

碧嶂猿啼夜新秋雨霽天誰人愛明月露坐洞
庭船

芳草

澤國多芳草年年長自春應從屈平後更苦不

歸人

輦下書事

北闕新王業東城入羽書秋風滿林起誰道有
鱸魚

七言絕句

入關言懷

背將蹤跡向京師出在先春入後時落日灞橋
飛雪裏已聞南院有看期

過長江

曾搜景象恐通神地下還應有主人若把長江
比湘浦離騷不合自靈均

題靈峯僧院

繫馬松間不忍歸數巡香茗一枰棋擬登絕頂
畱人宿猶待滄溟月滿時

司馬長卿

一自梁園失意回無人知有掞天才漢宮不鏽
陳皇后誰肯量金買賦來

和同年趙先輩觀文

玉兔輪中方是樹金鼈頂上別無山雖然廻首
見煙水事主酬恩難便閒

一自出京別同年
一枝仙桂已攀援歸去煙濤浦口村雖恨別離
還有意槐花黃日出青門

歸思

薊北風煙空漢月湘南雲水半蠻邊寒爲旅鴈
暖還去秦越離家可十年

留東林寺貫休上人篆隸題詩

師名自越徹秦中秦越難尋師所從墨跡兩般
詩一首香爐峯下似相逢

寓江州李使君

使君曾被蟬聲苦每見詞文卽爲愁况是楚江
鴻到後可堪西望發孤舟

遊南寓題

江山節被雪霜遺毒草過秋未擬衰天不當時
命鄒衍亦將寒律入南吹

九日

陽數重時陰數殘露濃風硬欲成寒莫言黃菊
花開晚獨占樽前一日歡

夏州道中

隴鴈南飛河水流秦城千里忍回頭征行渾與
求名背九月中旬往夏州

經慈州感謝郎中

金聲乃是古詩流况有池塘春草儔莫遣宣城
獨垂號雲山彼此謝公遊

寓題

吳中煙水越中山莫把漁樵漫自寬泛扁舟
可容易五湖高士是拋官


寄宋明府

北闕秋期南國身重關煙月五溪雲風蟬已有
數聲急賴在陶家柳下聞

花

莫道顏色如渥丹莫道馨香過茝蘭東風吹綻
還吹落明日誰爲今日看

閏八月



無人不愛今年閏月看中秋兩度圓唯恐雨師
風伯意至時還奪上樓天

別後

夢裏相逢無後期煙中解珮杳何之虧蟾便是
陳宮鏡莫吐清光照別離

嚴陵釣臺

終向煙霞作野夫一竿竹不換簪裾直釣猶逐
熊羆起獨是先生真釣魚

馬嵬三首

鐵馬嘶風一渡河淚珠零便作驚波鳴泉亦感
上皇意流下隴頭嗚咽多

龍腦移香鳳輦畱可能千古永悠悠夜臺若使
香魂在應作烟花出隴頭

錦江晴碧劒鋒奇合有千年降聖時天意從來
知幸蜀不關胎禍自蛾眉

奉和文堯對庭前千葉石榴

一朶千英綻曉枝綵霞堪與別爲期移根若在
芙蓉苑豈向當年有醒時

翁文堯以美疹暫滯令公大王益得異禮
觀今日寵待之盛輒成一章

滋賦誠文侯李盛終求一襲錦衣難如何兩度
還州里兼借鄉人更刺觀

林鄭在舉場日時曰
滋賦誠文中外相獎

木芙蓉三首

黃鳥啼煙二月朝若教開卽牡丹饒天嫌青帝
恩光盛畱與秋風雪寂寥

郤假青腰女剪成綠羅囊綻綵霞呈誰憐不及
黃花菊只遇陶潛便得名

須到露寒方有態爲經霜裏稍無香移根若在
秦宮裏多少佳人泣曉妝

奉和翁文堯戲寄

握蘭宮裏數名郎好是乘輶出帝鄉兩度還家
還未有別論光彩向冠裳

和陳先輩陪陸舍人春日遊曲江

劉超遊召郄詵陪爲憶池亭舊賞來紅杏花旁
見山色詩成因觸鼓聲回

靈均

莫問靈均昔日遊江籬春盡岸楓秋至今此事
何人雪月照楚山湘水流

卷簾

綠鬟侍女手纖纖新捧嬌娥出素蟾衛玠官高
難久立莫辭雙卷水精簾

啓帳

得人憎是繡芙蓉愛鎖嬌娥出月蹤侍女莫嫌
擡素手撥開珠翠待相逢

去扇

城上風生蠟炬寒錦帷開處露翔鸞已知秦女
昇仙態休把圓輕隔牡丹

唐黃先生文集卷之四

唐黃先生文集卷之五

唐監察御史閩黃沼著

碑記銘

泉州開元寺佛殿碑記

混沌死而天地生道德銷而仁義作情軍業網
始脉旋波天謂洛龜河龍文有生而不文無生
乃產金聖人於西國鑽智慧火乾煩惱海理不
吾吾而一貫生生其姿電燿於周室其波泓漾
於漢代繇是館移鴻臚城崇白馬斯有寺之始

也寺制殿象王者之居尊其法也其後金地蓮
局周旋四海烏飛兔走或故或新至如神運之
靈莫靈矣亦靡得而歸然則我州開元寺佛殿
之與經樓鐘樓一夕飛燼斯革故鼎新之數也
初僕射太原公以子房之帷幄布泉城以叔度
之袴襦纊泉民而謂笠乾之道與尼聃鼎宜根
乎信而友乎理矧開元句宇五十載之聖容實
寺之冠洎帥閩也愈進其誠繕經三千卷皆極
越藤之精書工之妙駕以白馬十乘送以府僧

迎以郡僧置茲之樓既而蜀雨不飛識者以爲
物之尤罕留於世敬之至必動乎神是必爲地
祇所搜龍宮之索不然者曷與斯故新之數期
厥理則明我宜悄然不已仲弟檢校工部尚書
爲茲郡之秋也武則拍孫吳之背文則席夏商
於前而復龍虎之內以墳以麓大聳孟龍之旨
乃割俸三千緡鳩工度木煙巖雲谷之杞梓楩
楠投刃以時趨功以隶食以月粟付以心倕不
暮年而寶殿湧出棟隆舊綺梁修新虹八表四

隅悉半乎丈柱盛鏡礎方珪叢斗楣承蟠螭飛
雲翼拱文棟刻桷轡轄权杼或經緯以开織或
丹墁而纈耀晶若蟾窟業如鰲背風夏觸而秋
生僧朝梵而谷應昇者骨冰觀者目波而五間
兩廈昔之制也自東迦葉佛釋迦牟尼佛左右
真容次彌勒佛彌陀佛阿難迦葉菩薩衛神雖
法程之有常而相貌之欲動東北隅則揭經樓
其鍾也新鑄仍偉舊規西北隅則揭經樓雙立
嶽峯兩危蜃雲東瞰全城西吞半郭霜韻扣而

江山四爽金字駢而講誦千來是知天地日月
鬼神不欲一存其物將有待於後人也設使斯
殿也斯樓也不有之故其何以新我公之作之
爲其何以布之哉三略六韜流通貝多戈霜劍
雪爲甘露潔信英智之所措也旣畢召化內之
繙錫數邁于千齋而落之累中慈雲五色慧日
重輪譚者以爲梵天之宇化於是矣靈山之會
儼於是矣我公之倅試大理評事宋君曰駢才
推博古識洞真如請立貞珉垂於不朽公以小

儒不佞俾刻斯文僧正臨壇大德僧宣一桑門
之關楗者曰寺有記亡之矣垂拱二年郡儒黃
守恭宅桑樹吐白蓮花捨爲蓮花道場後三年
昇爲興教寺復爲龍興寺逮玄宗之流聖儀也
上勝無以甲茲遂爲開元寺焉嘗有紫雲覆寺
至地至今凡草不生其庭大矣哉自垂拱之迄
開元四朝而四易號及句諒兆水於木垂雲雉
草謂桑蓮之與雲草天啓地靈之如是則開元實寺之
冠斯又冠開元焉金聖人無爲也堯舜亦無爲

也誠叅錯其道巍巍聖儀永與諸佛如來俱豈
不其然愚是以奮筆於一公之說乾寧四年丁
巳冬十一月日記

大唐福州報恩定光多寶塔碑記

金聖人之教功與德魯聖人之教忠與孝以忠
孝之祈功德莫之大也天復元年辛酉天子西
巡岐汴交兵京洛顥顥我威武軍節度使相府
鄆耶王王公祝天地鬼神以至忠之誠發大誓
願于開元之寺造塔建號壽山仍輔以經藏乞

車駕之還宮也其三年甲子以大孝之誠發大誓願于茲九仙山造塔建號定光仍輔以經藏爲先君司空先秦國太夫人元昆故司空薦祉于幽陰也大矣哉赫赫忠誠懇懇孝思以國以家以明以幽胡天地之不動歟胡鬼神之不感歟釋之西天謂之窣堵波中華謂之塔塔制以層增其敬也造之獲無量無邊功德初我公以宏才妙略之有藩維以仁智神鑒之謀遠大謂閩越之江山奇秀土風深厚而府城坐龍之腹

烏石九仙二山聳龍之角屹屹巖巖辱辱顏顏兩排地面雙立空際恠石如墉廻崗若揖東銜滄海以鏡豁西走建溪而帶縈氣色蒙茸風雲蓬勃非仙宮佛寺不可以乘龍之角大龍之腹何烏石二而九仙曠烏石山有神光天王二寺豈非代虛其作地祕其期以待我公况古仙鍊骨之所昇真之跡耶一旦之新城月圓壬戌歲我公卜築其外城號月城二山之嘉氣雲連森上介掀大旆或旬或朔眷于粉堞之上時行時止卜於煙巒之堦得峻中之

平平中之峻凸而不隆凹而不卑樹翳蒼以奇姿草芊聳而別翠遂從弘願啓茲塔之基焉塔之科也恐山之偏憂地之入將塹平壤五十尺之深百有餘尺之闊杵土積石而上

上聲逮二十

尺倏然虹見瑩然穴貯俄以珠寶之獲坐以金錢大不及拳光能奪目于時清風四來海天擴開煙霞蓊蔚於城隅鸞鶴盤旋於林表舉閩之軍傾閩之俗以趨以走以歌以詠既而畚鍤投般倕奮內甃以埠凡四十萬口外構以木蓋百

其巧七層八面玲瓏竚篠棗桷欄楯輶杈枱雲楣翼環珪斗鱗蹙彫鏤丹覆曲盡其妙方七十有七尺高二百尺相輪之四十尺叅之也懸輪之鐸一百九十懸層之鐸五十有六角瓦之神五十有六其內也則門門面面繆以金像不可勝紀登之者若身在梵天瞻之者覺神離瞻部業業然觸圓青而直上野鶴經之而高翔疑掠其腹鱗鱗然堅峭碧而崛起地祇感之而下捧疑殫其力其相輪也我公誓願之日仲氏司

徒自清源聞而感鑄而資雖從人力悉類神功
謹按妙法蓮花品自地湧塔于佛之前其幢幡
瓔珞瑪瑙車渠七盤四懸乘虛耀日乃多寶之
佛發大誓願之感現也繇是以斯塔取如來之
嘉號號之曰定光以其感珠之現眸於自地之
湧故聯之於多寶本於孝思薦劬故冠之以報
恩此其義也夫如是大雄之力出死入生至誠
之神感天動地若乃沉沉夜壑浩浩世塵莫不
以茲玄符承彼慧日趨於三千大千之世遊乎

二十八天者哉苟不之然則凡彼經文悉爲之
虛語耳又焉能垂信於百千年之後哉旣而巍
巍峩峩金輝鐵牢其東則翼以經藏焉其藏也
外構以局八角兩層刻栴檀鏤金銅飾朱漆之
炳煥仍衛以華堂七間名之轉經焉致其沙門
比丘比比厥跡以爲拜唱趺讀叢談聚聽之湊
日繫乎月月繫乎時軒軒闡闡奚景福之不幽
資乎又感應天王殿一間兩廈其天王也變毗
沙之身於感通之年現神質爲龜城之助條腰

衣褐屣足乘雲雙吐目光兩飛霞彩乃千百億
化身之一爲壽山草木之應今塑于此厥感寧
亡其西則翼之別殿曰塔殿其塔也我公萌誓
願之先因心以制十有三層之妙形匪偉而誠
有爲聲去殿斯奇而塔斯處其比則報恩變相堂
九間紫琉璃之地等娑婆之世七寶叢樹五色
騰光明明見闍提之心一一標如來之說又僧
堂五間上五間下之與茶堂五間直聯曲交冬
溫夏涼又華鍾之樓迥起青音下折刀山長明

燈之臺圓籠孤光杳輝漆壤其東南之一臂復
建地藏殿一間兩廈功德堂五間僧堂五間張
如別構而制匪異其殿也坐以菩薩之麗若欲
飛動其堂也駢錯儀像或金範或幅繪千形百
質恐悉諸天之聖侶去聲焉公廳四間一廈
或備旌鉞之觀止我公或四季之旦三旬之八
聚僧設會拜首追祝勤勤恪恪罔所不至舉閩
之高卑舉閩之少耄攀之望之無不動心涕臆
君子謂豈唯冥薦于先蓋以孝教民也又庫厨

五間浴室三間接之井井重以樓焉環周輜輶
之行廊凡三十有三間惣費財六萬餘貫如山
之疊如洞之潛巒巒隆隆叢爲一宮其大也琢
文石以爲軒彫修虹以爲梁其小也取良木於
靈山篩嘉壤於飛塵雖掩映乎人間實參差乎
象外其經也帙十卷於一函凡五百四十有一
函惣五千四十有八卷皆極剝藤之精書工之
妙金軸錦帶以爲之飾天祐二年乙丑夏四月
朔我公宿誠于州東烹于肆及脇降之辰大陳

法會以藏平聲其經緇徒累千士庶越萬若緇若
士一而行之正身翔手右捧左授自州之祀起
於我公傳至于藏觀者如堵牆佛聲入霄漢幡
花照乎全郭香煙連乎半空雪頂之僧指西土
之未有駘背之叟慶東闔之天降可謂之鴻因
妙果者也始者我公之登壇也其一之年偃干
戈興禮樂二之年陳耒耜均賦輿三之年疊貢
輸祇寵澤萬乘臣其職四隣視其睦百姓天其
政故一川之鏡如靈臺之月如融融怡怡愉愉

熙熙乃大讀儒釋之書研古今之理常曰文武之與釋氏蓋同波而異流若儒之五常仁義禮智信仁者含弘也比釋之慈悲爲之近禮者謙讓也比釋之恭敬爲之近信者直誠也比釋之正直爲之近聖覺爲之近智者通識也比釋之而義者殺也其爲異諸武之七德至如戢兵保土安民和衆之類亦猶川陸之祖秦適洛焉然則皆謂之煩惱吾父國也子民也朝爲社稷之計暮作稼穡之念若俾求智慧火乾煩惱海則

非吾之所能若建金地繕金文陳法會一衆僧冀乎不可思議乃吾之所志也於是月陳三齋時或雪峯之僧圍繞千徒臥龍之僧圍繞五百以至萬錢之繕或間嘉蔬五袴之歌或參雲梵慈航駕岸法雨垂空必致菩薩化身羅漢混俗以降也時人謂靈山之會日儼矣又以府之寺至于清源或存或燼或抽金積俸增而新之而大中神光乃規舊制而精燿宏壯則邁前時開

元則輔之經藏加之轉輪之盛尊大君也定光
多寶報恩於劬勞故以墮墮者專也謂山度之
材有蠹朽之日火化之壤無銷鑠之期其本乎
土也資乎火也及投諸水火則不歸乎土不壞
於水歷千秋而其質堅然乃以專至堅貞之誠
寓于是則斯誠也如是得無感乎則彼珠之爲
符驗矣且夫珠也或領乎龍或銜乎蛇或胎乎
蟬故水懷而川媚今茲珠也不自乎龍不自乎
蛇不自乎蟬匪懷水而媚川而孕厚地之二十

尺豈非斯之感歟不然則始從融結而孕之也
若以始從融結而孕之則厥初已兆我唐之有
我公也厥初已兆我唐之有我公則我公之言
烏石之有神光天王九仙代虛其作地秘其期
以待我信矣塔之訖功顧小從事治有禮官甲
科之泰明主研許之幸庶幾於聖人立身揚名
之道命爲之記用旌厥德於無窮沼不敢牢讓
作禮而推之言夫陶天地爲後時鎖生死於無
朕其道不可以真虛求聲影曠應誓願於有爲

現感通於至誠其道乃可以精諦至嚴敬致今我公以精諦嚴敬積功累德以泝流于世斯塔也嶽嶽崇崇兼乎仁孝之鴻名偕天地日月江山之永遂刻于貞石焉其詞曰

金聖人教德與功兮魯聖人教孝與忠兮巍巍賢傑二美鍾兮建茲寶塔惟追崇兮祝天瀝懇先延鴻兮報劬薦祉祈幽通兮仙山之秀夷且隆兮曠古爲期俟仁風兮月圓珠現契遭逢兮融結之初兆英雄兮豈徒巒巒懿班工兮火壤

之貞積磨礪兮斧材之取厥匪同兮七層八面相玲瓏兮金鈴寶鐸交丁冬兮影落澄清馴魚龍兮頂觸圓碧分鴻濛兮纘儀範像疊其中兮齊天極地爲初終兮金文貝字構重重兮講讀千來罄西東兮靈山盛會日雍雍兮甘露法雨常蒙龍兮鴻名寔祉偕無窮兮

贊井靈山塑北方毗沙門天王碑

列藩之業有地有地之職有民有民之道興禮樂惇忠孝以行事興禮樂惇忠孝以行事然後

廣先生集

謀謀者也築城池居其一城既築進道德以居之樹神祇以尸之爲一方之巨防雖永古而無疑我相府鄒琊王王公之有閩越也具列藩之業修有地之職行有民之道自乾寧四年丁巳至天祐二年壬戌凡六年禮樂興忠孝敦乃謀及城池城池及謀乃尸及神祇於是於開元寺之靈山塑北方毗沙門天王一鋪全部落已鎮于城焉大矣哉所謂闡六韜濬七德建陽功配陰騭夫毗沙門梵音唐言多聞也始自于閻刹

利之英奇膺世尊帝釋之錫號居須彌山北住水晶宮殿領藥叉衆爲帝釋外臣以護南瞻部洲其道入大乘得無生法忍住聲聞證不還果謹稽我公之築城也恢守地養民之本隆暫勞永逸之策其名舉一而生三法陽數也曰大城焉南月城焉北月城焉周圓二十六里四千八百丈基鑿于地十有五尺杵土胎石而上聲上高二十尺厚十有七尺外甃以磚凡一千五百萬片上架以屋其屋曰廊其大城之廊也一千

八百有十間自廊凸而出之爲敵樓樓之層者二十有三又角立之樓六其二者層復層焉皆欄干鈎聯參差煥赫而廊之若干步一鋪又各以鼓而司更焉凡三十有六謂之更鋪其四面之門八其南曰福安門福安之東曰清平門西曰清遠門其北曰安善門安善之東曰通遠門其東曰通津門通津之北曰濟川門其西曰善化門皆鐵扇銅局開陽闔陰門之上仍揭以樓三間兩挾兩翕修廊雙面遠碧門之左右又引

而出之爲之亭兩間一廈又匪樓之門九曰暗門焉又水門三其二樹櫺篩波卸帆入舟鳴舷柳浦廻環一郭堤諸萬戶注之以堰二渡之以橋九鏡瑩虹橫交舫走蹄斯大城之制也粵南月城也東貯九仙西盛烏石之二山嘉樹蓄雲茂草藏獸城上之廊一千十有三間其中七間謂之徘徊其敵樓四十有九樓之層者三其門二曰登庸門上之樓其下之扉左右之引亭建暗門八水門

郭璞記南臺江沙合卽有宰相而我公膺期今登庸門外橋名沙合橋

道清門其

二其堰一其橋五及廊之更鋪二十悉與大城
類其外之東西復距而出之謂之橫城其東也
城上之廊四十二間五廈其中兩間是兩面之敵樓其門一

斯南月城之制也伊北月城也城上之廊六百
四十二間敵樓二十有六樓之層者十其門二
曰道泰門嚴勝門其上之樓其下之扉左右之
引亭建暗門四水門二其橋一及廊之更鋪十
有四復與南月城類又觜而出之謂之橫城城
上之廊五間一廈其門一斯北月城之制也其

東畫長川以爲洫西連乎南句盤別浦以爲溝

悉通海鮆朝夕盈縮之波底澤鱗介岸泊牒艤
北截越王之故山脈西湖以爲隍若鰲之負如
甌之置軒軒然翼翼然真謂天設之府神開之
地也既而我公一旦膝分席校鱗軍堵臺陳大
會以落之而言曰惟閩越之爲藩屏也建汀二
疆束其右巖千而壑萬溟海巨流瀨其左濤雷
而浪霆信乎江山奇險無以加之矧今新之以
城壁城壁之以鐵石古人言得地又言守地又

言堅壁豈不以得地而居守地以城城以堅壁信不疑矣然則吾之戴恩忝土勤勤懇懇不以江山奇險之爲奇險不以城壁鐵石之爲鐵石也修道德樹神祗以居之毗沙門之天王自天寶中使于闐者得其真還愈增宇內之敬旋大夫芮國公荆渚之塑也凡百城池莫不一之斯舊城之北往規也舊天王在子城北也斯新城之制今城也且勝莫勝於開元寺尚莫尚於寺之靈山阜寺之艮控城之乙祖僧六葉鴈其下珉石一拳

星其上

廬山灣落星石上有佛舍

劖池徹寫飛山奔揖足以

象水精而瑩宮殿掀廟貌以衛城池爰將擇工之精搜塑之妙製乎聖質俄然化出身被金甲手擎鴈塔地祇下捧天將前擁光灼灼而如將動搖神雄雄而若欲叱咤觀之者皆謂須彌拔宅於是矣于闐分身於是矣而復翼僧堂而右邃膊鍾樓而左突毳錫百萃其夏午蒲鯨六吼其宵加信爲塵間之北方連營之靈域也訖命小從事泐刊貞石而碑之泐不敢牢讓齋戒三

日抽毫而書猗歟天王因果則釋氏猛勇則兵
權啟願而願從云戰而戰勝至如揮額汗以爲
童子却修羅之師擎手塔以貯彌陀解天鼓之
赴爰皆盱纏克致感通洎唐有土藩之蹠也豆
面以行疹儀金以現人齒戈以生鼠與彼時之
玄應蓋大同而小異况邇則咸通季蠻之侵蜀
蜀人亟祈褐衣倏以乘空目光耀以照地蛇將
奔冗龜竟全城如是則護南瞻部洲豈虛言哉
今我公之至誠通日月弘願質鬼神以曠世之

功業託無生之法力豈昔時之有是而今日之
不然哉雖體蒼蒼而無言固乃昭昭而有鑒輒
爲之銘其詞曰

受命帝釋封邑須彌金甲儼被藥義雄隨越七
金山突修羅師入大乘妙與聲聞差于闐分身
皇唐衛國若加善禱咸蒙聖力塞鴈煙塵龜城
戈戟虜騎猶東蠻車未北現以真儀亡乎悖德
懿彼閩越大哉侯王伐鉞務本築城爲防石取
它山壞塹聯崗疊百厥雉累千平廊却鐵之觸

疲羽之祥奔馬轡並馳車軌方巢鳳於樓蟄龍
於隍如嶽斯立如翼斯張不有依憑曷旌局鑄
台略俄啓神驅遽設鐵鬚卓堅漆瞳曠昧捧足
神俯持劒將列月殿巍峩靈山截辟法逮無生
權唯有兵昔之若是今肯忘情閩山永高閩江
永清厥宜識之盤石斯城

丈六金身碑

釋氏之稱釋迦牟尼佛千百億化身而古今之
世以諸佛菩薩其或鑄成塑成刻成其或壁繪

幅繪乎像不可勝紀况多應現感通之自其非

之乎我公粵天祐三年丙寅秋七月乙丑鑄金

銅像一

句

丈有六尺之高後二十有三日丁亥

繼之鑄菩薩二

句

丈有三尺高銅爲內肌金爲

外膚取法西天鑄成東越巍巍落落毫光法相

初我公登壇之三年己未秋一夕雨歇天清風

微月明瑤兔無煙銅龍有聲俄夢天之西際燿

以照物綵雲罅裂大佛中座嶽嶽以觀止熙熙
而啟言曰斷予一臂衛之一方旣覺而思現乎

形昭像也斷一臂誓誠也衛一方保衆也始嘉其異姑默其事後創其意乃命自賓席之逮將校將校之逮步乘步乘之逮衆庶其有植信根之深者曠惠燭之明者許一以金投吾俸中將積于肆俟以銅易而後鳩工鴻鑪卜境擇日鑄斯佛于九仙山定光多寶塔之右古仙徐登上昇之地其日圓空鏡然江山四爽橐龠之上騰爲煙雲盤旋氤氳五色成文又有羣鳥或若鴻鵠或如鸞鵠交翔而間鳴自寅而及午斯佛

上聲

也一瀉而成翌日我公禮閱之乃與夢中一類其形儀長短大小無少差其一臂工以之別鑄而會其像大工慮其不就計以一臂別鑄而會之乃暗符夢中我公神之而露其夢於是迎入府之別亭磨瑩雕飾克盡其妙朝夕瞻拜時不之怠冬十有二月丙申會僧千千以幡以幢以鍾磬引歸于開元寺壽山之塔院獨殿以居之翼二菩薩于左右三十二相足八十種好具螺纍纍以成髻珠隱隱以炫額檀信及門而膝地童耋遍城而掌膠夫如是

豈非千百億化身之一乎不然者焉得入乎夢而如乎神成乎形而如乎夢夢不之告工以之缺者哉其應現感通復爲之殊矣大矣哉且先天地生之謂道後天地設之謂象道者也以無爲爲志之也授心印於虛空象者也以有爲爲志之者疊慧力於報應論者惑句以之爲風馬曾不謂象猶道之轂也無象道不行矣始者摩騰竺法蘭二梵僧不慎其像東其道且西耳惜乎不與三皇五帝同世而出設與三皇五帝同

世而出必能從容朴素遲回仁義詐僞未之取蠹也柰何天將後之豈徒然哉豈不以仁義之生也曰堯與舜仁義之亡也曰癸與受至于列國之際强秦之立癸受之悖亹亹其躅天謂仲尼之祖述堯舜憲章文武終不能獨制之故東釋迦牟尼於中土大陳出生入死之理天堂地法之事以警戒之雖人世之風波萬態逆翻而幽府之鐵繩一無苟免上智聞之若火之燒謂之爲智聞之若泉之澄下智聞之若鏡之磨中

有則河沙芥子之說虛誕難測謂之爲無則應現感通之事尋常立驗故能銷嗜慾更禍福一貴賤則爲裨教化之一源湛然不動感而遂通者也而以金厥地蓮厥宮張法橋以度人無刑網以束俗世之敬之可也怠之可也贖之可也繇是有委之國君委之大臣之旨旣而委之則人非常人道非常道我公曠代之生也有神僧識伏鉞之雄也應江沙期合仙人識築城之盛也契菩薩說初丙午歲我公至清源未在時有僧號涅槃於衆中駭而指之曰金

輪王之第三子降人間幸勉之專生殺柄又閩之侯未嘗至宰輔晉時郭璞記曰南臺江沙合卽有宰輔相我公之登台席也江沙契焉又梁時王霸怡山上昇山在府城之西五里光啟丁未歲衢之爛柯山道士徐景立因於其仙壇東北隅取土掘得瓷瓶七口各可容一升水其中悉有炭上摠蓋一青埠刻文字云樹枯不用伐壇壞不須結未滿一千歲自有系孫列後來是三皇潮水蕩禍殃巖逢一乍間未免有銷亡子孫依吾道代代封閩疆其壇東南有皂筭樹古云真君於此樹上上昇其後枯矣至咸通庚寅歲復榮茂也又媯山僧號大安頃坐西禪者乾符中曰府城之到九仙三橋其中乃菩薩行化今之新城及焉夫神通爲佛魂交曰夢神非夢而罕通夢非神而不感我公之慶鍾也其如是矣其明年正月十有八日乙未

黃先生集卷之五
設二十萬人齋號無遮以落之是日也綵雲纈天甘露粒松香花之氣撲地經梵之聲入空座客有右省常侍龍西李公洵翰林承旨制誥兵部侍郎昌黎韓公偓中書舍人鄖鄖王公滌右補闕博陵崔徵君道融大司農鄖鄖王公標吏部郎中譙國夏侯公淑司勲員外郎王公拯刑部員外郎弘農楊公承休弘文館直學士弘農楊公贊圖弘文館直學士鄖鄖王公倜集賢殿校理吳郡歸公傳懿皆以文學之奧比偃商侍

從之聲齊壤向甲乙昇第巖廊韞望東浮荆襄南遊吳楚謂安莫安於閩越誠莫誠於我公依劉表起襄漢其地也交轍及館值斯佛之成斯會之設俱得放心猿於菩提樹上歇意馬於清涼山中我公乃顧幕下者滔俾刻貞石以碑之滔以甲科忝第盛府蒙招刊勒之職不敢牢讓謹推於厥旨經云作佛像之功德斗量海以有盡塵碎劫以無窮至若青黛之畫辟支一金之補毗婆戲爲之而以草木思見之而刻栴檀其

猶蛻現其生羽金其報而况今乃儼至誠從靈
感銅乎萬萬金乎千千虔鼓鑄於神仙之山上
貞吉於火土之數其積功累德豈可以邊以涯
而言之哉或曰梁武帝之隆釋氏今古靡倫奚
報應之昧乎對曰梁武帝隆釋氏之教不隆釋
氏之旨所以然也夫帝王之道理世也釋氏之
教化人也理世之與化人蓋殊路而同歸彼宵
旰于萬有故一夫不獲若已墮諸隍中此濟度
于觸類故欲凡一有情悉皆成佛梁武帝則不

然以民之財之力剝將三百祈功覬德則歸諸
已啼億兆而不乳削頂領以言覺所以私所以
然也今我公爲邦則忠孝於君親自興兵之來
天下以三司之泉皆名直進獨我公以俸錢爲直進
三司之運悉如舊焉闕庭大稱其美牧人則

父母于生民造塔四其一曰壽山以昭皇帝辛
酉歲西巡發誓願以祝熊羆乞車駕之復宮闕
其二曰報恩多寶定光追薦于先世其三其四
大中神光爲軍旅也爲人民也繕經五藏其二
進于上其三附于壽山定光大王意同乎塔月

三其齋或千僧或千佛疏乎誠首則君親次則

軍旅人民而已後焉况斯佛已之而不已與賓

席將校步乘衆庶共成之故其地出明珠海出

珊瑚幾於蓮花妙品之繁車渠瑪瑙幡幢瓔珞

周乎多寶之湧也

開元定塔基掘地丈有五尺之深得寶珠坐以金錢又於

海中得珊瑚樹凡二百餘株矣

夫其玄貺之如彼靈感之若此

則斷一臂衛一方斯昭昭矣豈與彼而論哉滔

是輒奮筆而無愧爲其詞曰

託入佳夢鑄成鴻鑪毫光法相銅肌金膚恍惚

現形昭彰合符不有爲也其如是乎唐一其宇
越百其區伊闢之設于地之殊西城甌仍東塹
鰲隅匪德莫處惟仁靡逾懿其橐籥飛作醍醐
焦山草木不得不蘇苦海波瀾不得不枯仙花
罔謝慧日寧徂永茲一方盤石其都

莆山靈巖寺碑銘

釋波東流湧爲花宮花宮之構咸宅靈秀靈秀
之啓其或神授則知融結之始已有待於金聖
人也粵靈巖寺乃莆山之靈秀焉神授焉懿夫

貴定集卷之五
獄立大山堆下數峯面乙臂坤石嵌松瘦昔梁

陳間邑儒榮陽鄭生家之生嚴乎一堂架以詩

書旣而秋一夕風月清朗俄有神人鶴髮麻衣

丈餘其狀見于堂曰誠易茲爲佛宇善莫之大

生拜而諾瞬而失旋以堂居僧像佛獻其居爲

金仙院卽陳永定二年庚申也

鶴髮麻衣西天之謂故號金仙

山水推其奇鶴髮增其異緇錫日萃院落日峻
隋開皇九年昇爲寺焉左漱寒泉右擁疊巘危
樓豁壺公之翠上方視鮚海之波唐景雲二年

辛亥寺僧志彥入內背又講四分律睿宗嘉之
錫號聰明彥因獲言所居寺之自復有僧無際
持妙法蓮華經感石上湧白泉僧歿而泉變清
焉遂膺勑額爲靈巖寺太和二年殿中彭城劉
公軻幕提泉印聆寺之勝不卸而宿候吏不蔬
而午掬泉而漱隨手以涸其石今坎于上方之
上其僧復有玄悟玄準慧全省文靈敞無了悉
厥衆如雲厥施若市洎武宗皇帝乙丑之否邑

之東有敬善寺民井而居之乾有玉澗寺民畱
而田之獨茲之奇豪人互以金輸爲幽宅之十
若有之衛竟不克遂敞公了公及句帽首條腰
沉蹤處晦逮宣宗皇帝之復索之於石罅雲根
歸之於蕪基燒址山靈之感行羶之慕投金執
斲匪招匪勸不越閨而其宇鱗鱗其徒翼翼敞
公咸通六年秋八月云滅靡風而大樹折庭靡
觸而大殿傾瓦了公八年冬十月坐亡色身不
壞今龜陽之號真身大師者也則知僧以行而

神其亦地以靈而感若乃軒軒月殿藹藹松門
醍醐雨天瑠璃鏡地慧燭九枝而吐燄慈雲五
色以垂陰推於甌越居之甲乙今僕射鄉耶王
公牧民之外雅隆淨土論及靈勝以爲東山神
泉之比神泉寺在府城之東山其泉亦自僧感而湧也繕經五千卷於
茲華創藏而藏平聲焉卽天祐二年春二月也初
侍御史濟南林公藻與其季水部員外郎蘊貞
元中谷茲而業文歐陽四門捨泉山而詣焉四門晉江泉山在郡城之北其集有與王式書云蒲陽讀書卽茲寺也其後皆中殊

科御史省試珠還合浦賦有神授之名水部應
賢良方正科擅比干之譽策云臣遠祖比干因生微諫而死天不厭直更臣也歐陽垂四門之號與韓文公齊名得非山

水之靈秀乎元和才子章孝標邵楚萇朱可名
寄詩以題大中中潁川陳蔚江夏黃楷長沙歐
陽碣兼愚慕三賢之懿躅葺齋于東峯十年咸
通乾符之際豪貴塞龍門之路平人藝士十攻
九敗故潁川之以家寃也與二三子率不西邁
而愚奮然凡二十四年于舉塲幸忝甲第東歸

之尋舊止蒼苔四疊嘉樹雙亞今東峯雙龍眼樹卽往歲書齋之庭陰也訪舊僧雲局十扣雪頂一存於是謹祝金
儀益誓丘禱以謝茲山之靈秀刻銘貞石兼補
前賢之未述其詞曰

山奇孕神地勝惟靈螢窓旣夜鶴髮斯形一畝
請宮雙蓮建局洞深夏寒林茂冬青松竹鏗樂
峯巒豁屏晶迷蟾窟蒼眺鮚溟持經僧志湧石
泉冷四分律講萬乘君聽勑飛額降寺以靈名
不有地祥焉動天庭大士鴻生珠明桂馨良牧

聳聞華構藏經浩劫不泯匪茲曷丁敬祝曠巖

勒石以銘

龜洋靈感禪院東塔和尚碑

三教之垂萬古也咸以師弟子授獨釋氏之師弟子削姓以名別爲父子之流葉東塔和尚葉真身大師其道偕極不可思議以父子言克盡弓裘之善和尚法號志忠俗姓陳世居仙遊祖諱璠父諱筠繼以好尚山水崇佛友僧生和尚自于乳抱鼻逆齶辛九歲詣真身大師爲童子

一見之兩如宿契年十五落髮初大師之十龜洋也雲木之深藤蘿如織狼虎有穴樵採無逕俄值六眸之巨龜足躡四龜俯仰其首如作禮者三逡巡而失遂駐錫卓菴名其地曰龜洋焉龜洋之泊也盍不及村舍不及蓄山產菜號苦蓋以之充卵而齋惟大師與和尚俱歲移月更名馳迹漏檀信尋而施漁獵投而事時謂之二菩薩僧其地或來人之稍垂嚴潔則立有蛇虎驚吼之恠及武宗皇帝乙丑之否稟之而絛帽

潛匿大師允檀信之迎隱於數家和尚棲於巖
穴之內不離茲山相伍者麋鹿馴伏者虎狼既
而靡耕菑杜施丐還取苦益之卯至今茲院之
逢歉歲一卯之風不泯宣宗皇帝復寺之始議
者以靈巖之奇勝非我菩薩僧不可以宏就由
是都人環乞大師以居故和尚獨荐龜洋之址
焉松堂揭而覺路喧天金磬敲而道花滿地誠
以上昇道士不受錄成佛沙彌不具戒和尚且
不之然旋將西遊受具足戒於襄州龍興寺大

中十二年東還由廬陵與草菴和尚值草菴曰
來自何山曰六眸山曰六通乎曰慧非重瞳和
尚蓋行高而言寡是日對答如流旣及本山人
地愈盛院落則不營而峻供捨則不化而來咸
通三年靈巖力圓乃迎大師返于茲八年大師
坐亡法身不壞南北歸敬闔然無時和尚以之
煩十三年遂南五步里之山得峯之秀室而禪
焉卽今南舍也廣明元年弟子智朗惠朗玄鑒
藏輝景閑弘幹鴻超悉以植性祇園分光慧炬

責先生集
卷之五
以謂我大師承法馬祖親得心印則和尚焉今
以宿曉而晦辭煩卽靜不可使六眸靈感之地
留形示滅之異葉其葉而不之大乎於是迓乞
歸于院將以弘張法輪式救迷津其如感通雖
然現沒有數中和三年龍集壬寅三月十日示
滅壽年六十有六僧夏二十有五後二旬之一
日建窣堵波于東岡焉嗚乎和尚之道不粒而
午不宇而禪與虎狼雜居所謂菩薩僧信矣其
三月之朔語其衆曰至道之有顯晦師弟子不

欲雙立昔大師之去也留形爲之顯今吾之行
矣速藏爲之晦故將儀貌若生而蓋棺晦朔不
逾而啓土從付囑也其上足景閑弘幹以凡紀
道名須資詞筆懇賚行實扣愚求文滔早訪蓮
局今悲松塔敢辭抽思用刻貞銘爲之銘曰

六眸獻山二葉開蓮號及菩薩正真自然雲林
匿迹狼虎參禪仙花撲地智月懸天示滅之滅
顯晦岐焉布金左岡建塔開阡實歸上界寧曰
下泉松風柏雨空悲歲年

華巖寺開山始祖碑銘

師法號行標俗姓方祖榮父安甫之盛族師生于建中二年辛酉齠齒卽穎悟異於諸童九歲投玉澗寺監寺神皎出家將二年皎嘉其拔萃命之落髮師以梵行未至不敢預大僧數至貞元十七年方薙鬢髭翌日遽講所習涅槃經一寺歎服旣而辭其師北遊抵京薦福寺受戒品詣章教大師法會章教奇之令首其衆凡十年士君子之造者無不聳慕尋爲功德使推入道

場憲宗善之元和十一年東歸復于玉澗焉法雨隨車慈雲被物洎武皇帝除佛舍籍釋子於戶部師則巾華陽衣縫掖晦迹樵客廬于西巖石室律身守道如居千衆及宣皇帝復寺刺史鄒琊王公迎以幡花舍於郡開元寺俾爲監領大中六年師以環足之煩擁旅之數乞歸故山先時玉澗之北巖泉石之奇也卜而居之縣令中山甄宿與蒲之士庶爭沐醍醐共隆蘭若煙巒蔽虧朱碧掩映前俯平川後峙奔嶠地自人

勝名由道高刺史河東薛公仰其孤風復馳開
元之僧衛以入郡日扣華嚴大義幾忘食寢洎
解印與之偕至北巖題之爲華嚴院以徹祠部
焉師咸通六年七月五日示滅壽八十有五僧
夏六十有四後四十有五日建窣堵波于西岡
十一年其徒從紹疏師行實于闕昇其院爲華
嚴寺有徒三十人皆肅肅可觀不忝師門於戲
師儀梵骯髒言詞雅直沖默而明敏慈恕而剛
毅儒書皆通三皇五帝之道言未嘗及而人知

其博古也經論綜貫天堂地法之說舌未嘗舉
而人皆務崇善也所至清風凜凜政所謂釋子
之高傑者也弟子道光道圓令詢悉器傳師道
愚冠扣師關壯以隨計乾寧二年忝登甲科東
還荐造金地歲周二紀膠掌而拜影堂腹藁而
銘遺美不可使桑門大士泯而無述焉故銘曰
智月不缺乘虛照物道花不衰吐艷無時洞徹
照灼傑然吾師稟薦福戒分章敎枝厥宗得雋
內庭擢之銜香徹印雲間資期數有汗隆道無

磷縕德風徒襲法舸寧維山幽跡高身沒名垂
松塔雖故竹毫可追稽首影堂敬刻斯碑

福州雪峯山故真覺大師碑銘

大師法號義存長慶二年壬寅生於泉州南安
縣曾氏自王父而下皆友僧親佛清淨謹志大
師生而鼻逆薰血乳抱中或聞鐘磬或見僧佛
其容必動以是別鍾愛於膝下九歲請出家叶
而未卽十二從家君遊莆田玉澗寺寺有律僧
慶玄持行高潔遽拜之曰我師也遂留爲童子

焉十七落髮淳朴貞古了與流輩異暨武宗皇
帝乙丑之否乃束髮於儒冠衆中而蓬跡來府
之芙蓉山弘照大師見奇之故止其所至宣宗
皇帝之復其道也涅而不縕其身也褒然而出
北遊吳楚梁宋燕秦受具足戒於幽州寶刹寺
訖巡名山扣諸禪宗突兀飄颻雲翔鳥逝爰及
武陵一函德山止於珍重而出其徒數百咸莫
之測德山曰斯無偕也吾得之矣咸通六年師
歸于芙蓉之故山其年圓寂大師亦自鴻山擁

徒至坐于怡山王真君上昇之地其徒熟熟師已嗣

德山

纍纍而欵關師拒而久之則有行實者始以

師同而議曰師之道巍巍乎法門圍遶之所不可造次其地宜若鷺嶺猴江之爲卜府之西二百里有山焉環控四邑峭拔萬仞嶒崕以支圓碧培塿以覘羣青恠石古松棲蟄龜鶴靈湫邃壑隱見龍雷山之半頂之上則先冬而雪盛夏而寒其樹皆別垂藤蘿葦葦而以爲之衣交錯而不呈其形奇姿異景不可殫狀雖霍童武夷

無以加之實閩越之神秀而古仙之未攸居誠有待於我師也祈以偕行去聲秋七月穿雲躡蘚

陟險昇幽將及之師曰真吾居也其夕山之神

果效靈翌日巖谷爽朗煙霞飛動雲菴旣立月構旋隆繇是枳法輪於無爲樹空門於有地行實乃請名其山曰雪峯以其冬雪夏寒取鷺嶺猴江之義斯則庚寅逮于乙未師以山而道侔

山以師而名出天下之釋子不計華夏趨之如赴召乾符中觀察使京兆韋公中和中司空頴

川陳公每渴醍醐而不克就飲交使馳懇師爲之入府從人願也其時內官有復命于京語其道其儕之拔俗悟空者請蛻浮華而來剃僖宗皇帝聞之翰林學士訪於閩人陳延郊得其實奏於是聖錫真覺大師之號仍以紫袈裟俾延郊授焉大師授之如不授衣之如不衣居累夏辛亥歲朔遽然杖屨其徒啓而不答雲以隨之東浮于丹丘四明明年故府侍中之有無諸句

勅句洗兵於法雨致敬於禪林馥師之道常東

望頂手後二年自吳還閩大加禮義今閩王誓衆養民之外雅隆其道凡齋僧構刹以之龜焉爲之增宇設像鑄鐘以嚴其山優施以克其衆時則迎而館之于府之東西甲第每將儼油幢聆法輪未嘗不移時餘乎一紀勤勤懇懇熊羆之士因之投跡檀那漁獵之逸其或弭心鱗羽戊辰年春三月示疾吾王走鑒鑒至粒藥以授師曰吾非疾也不可罔子之工卒不之餌其後札偈以遺法子函翰以別王庭夏五月二日鳥

獸悲鳴雲木慘悴其夜十有八刻時滅度俗壽八十有七僧臘五十有九以其月十五日塔其藏焉其塔也其徒僉云以山之奇堂之峻也大師之生也王去聲是其歿也不宜捨諸故坎其中焉若干尺之高若干尺之周皆彫珉石錯火壤磷磷然葉葉然四隅則環宇以麻玲瓏穿篠雲霞時入風雨罔侵其日奔閩之僧尼士庶僅五千人閩王涕之子降左金吾衛將軍檢校刑部尚書延稟始陳祭是設齋焉大矣哉大師之

見世于是罔量其僧耶自始及茲凡四十年東西南北之夏往秋適者不可勝紀而常不減一千五百徒之環足其趨也馳而愈離辯而愈惑常曰三世諸佛十二分教到此乃徒勞耳其庶幾者若干人其一號師備擁徒于玄沙今安國也其二號可休擁徒于越州洞巖其三號智孚擁徒于信州鵝湖其四號慧稜擁徒于泉州招慶其五號神晏今府之鼓山也分燈之道皆膺聖獎錫紫袈裟而玄沙級宗一大師招慶玄晤大師

鼓山定慧大師之命焉其曹早曰法雖無說名以文垂自少林之逮曹溪無不刻碑而紀頌我師其默平一旦惄其曹句首曰從智如堵而扣

愚求文滔老且病刊勒之加多已辭避欽師之道不覺聳然偉夫恭聞釋波之東注也流其象則不流其旨流其旨則不象其形厥初大迦葉之垂二十八葉至于達磨達磨六葉止于曹溪分宗南北德山則南宗五葉大師嗣句其今六葉焉雪峯之分玄沙洞巖鵝湖招慶鼓山其道

皆離貝葉以祇其七非滔之能言也但美數公歲蕤其葉衆多殷勤之請遂爲之銘而應其求其詞曰

曹溪分派誰繼南宗一言冠絕六葉推雄無物之物非空之空不瑩而明不增而隆縮靡秋毫舒靡鴻濛不有靈鏡曷揚真風懿彼閩越巍乎一峯洞壑斯異雪霜罕同天之有待師也云鍾名將道協跡與仙崇奔走厥徒百千其叢庶幾幾人莫不玄通分燈照耀樹本玲瓏聖君寵疊

賢王敬重不生不滅曷始曷終刻貞石於斯文

旌厥德于梵宮

唐黃先生文集卷之五

第	35150	号
平成	3.11.22	
聖 圓	和 短	學 大
圖	書	館
	928	
	ト	
	2	

卷之二

